



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

08.06.2020թ.

Ո Ր Ո Շ ՈՒ Մ

ՀՀ գնումների հետ կապված բողոքներ քննող անձի թիվ ԱՑ-ՆԳ-2020/115

Հայաստանի Հանրապետության գնումների հետ կապված բողոքներ քննող անձը՝ ի դեմս Գրիգոր Ներսիսյանի, ուսումնասիրելով Հայաստանի Հանրապետության ֆինանսների նախարարության՝ 23.05.2020թ. թիվ 26/26-1/7670-2020 գրությամբ «Էտալոն Գրուպ» ՓԲԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեցի հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը, Երևանի քաղաքապետարանի 14.05.2020թ. թիվ 01/61-7797 գրության հիման վրա, 23.05.2020թ. թիվ 26/26-1/7670-2020 գրությամբ նախաձեռնել է «Էտալոն Գրուպ» ՓԲԸ-ին (հետայսու նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

2. «Էտալոն Գրուպ» ՓԲԸ-ի ներկայացրած փաստարկները և դիրքորոշումը.

«Էտալոն Գրուպ» ՓԲԸ-ի կողմից ՀՀ գնումների հետ կապված բողոքներ քննող անձի սույն որոշումը կայացնելու օրվա դրությամբ գրավոր դիրքորոշում չի ներկայացվել:

«Էտալոն Գրուպ» ՓԲԸ-ն, պատշաճ ծանուցված լինելով ՍՅ-ՆԳ-2020/115 ընթացակարգի շրջանակներում 03.06.2020թ. ժամը 10:50-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

3. Երևանի քաղաքապետարանի կողմից ներկայացված փաստարկները և դիրքորոշումը.

Երևանի քաղաքապետարանը (հետայսու նաև՝ Պատվիրատու) ՀՀ ֆինանսների նախարարությանն ուղղված 14.05.2020թ. թիվ 01/61-7797 գրությամբ հայտնել է, որ Երևանի քաղաքապետարանի և «Էտալոն Գրուպ» ՓԲԸ-ի միջև 20.02.2020 թվականին կնքված N ԵՔ-ԲՄԾՁԲ-20/12 և N ԵՔ-ԲՄԾՁԲ-20/13 ծածկագրերով պայմանագրերի շրջանակներում ներկայացվել են որակավորման ապահովման, իսկ ԵՔ-ԲՄԾՁԲ-20/12 ծածկագրով պայմանագրի շրջանակներում՝ նաև պայմանագրի ապահովման բանկային երաշխիքներ:

Պատվիրատուն հայտնել է, որ Երևանի քաղաքապետարանի կողմից կատարվել է բանկային երաշխիքների իսկության ճշտում, որի արդյունքում պարզվել է, որ ներկայացված բանկային երաշխիքները չեն թողարկվել համապատասխան բանկի կողմից և հանդիսանում են կեղծ փաստաթղթեր:

Պատվիրատուն հայտնել է, որ հաշվի առնելով, որ Ընկերությունը մինչև պայմանագրի կնքումը ներկայացրել է կեղծ փաստաթղթեր և վերջինիս ընտրված մասնակից ճանաչելու մասին որոշումը չի համապատասխանել ՀՀ օրենսդրությանը, ուստի Երևանի քաղաքապետարանի կողմից միակողմանիորեն լուծվել են վերոնշված պայմանագրերը՝ ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 33-րդ կետի 8-րդ ենթակետի համաձայն:

Ամփոփելով՝ Պատվիրատուն առաջարկել է, ղեկավարվելով «Գնումների մասին» ՀՀ օրենքի (հետայսու նաև՝ Օրենք) 6-րդ հոդվածի ի-ին մասի 6-րդ կետի ա) ենթակետով, Ընկերության նկատմամբ կիրառել Օրենքի 50-րդ հոդվածի 7-րդ մասի 2-րդ կետով սահմանված դրույթը:

Պատվիրատուն, պատշաճ ծանուցված լինելով ՍՅ-ՆԳ-2020/115 ընթացակարգի շրջանակներում 03.06.2020թ. ժամը 10:50-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

4. ՍՑ-ՆԳ-2020/115 ընթացակարգի քննության համար էական նշանակություն ունեցող փաստերը.

ՍՑ-ՆԳ-2020/115 ընթացակարգի քննության համար էական նշանակություն ունեն հետևյալ փաստերը.

1. Երևանի քաղաքապետարանի և «Էտալոն Գրուպ» ՓԲԸ-ի միջև 20.02.2020 թվականին կնքվել են N ԵԲ-ԲՄԾՁԲ-20/12 և N ԵԲ-ԲՄԾՁԲ-20/13 ծածկագրերով ծառայությունների գնման պայմանագրեր:

2. «Էտալոն Գրուպ» ՓԲԸ-ի կողմից ներկայացվել են 18.02.2020թ. թիվ O.AB.100.12CIB.PIED.1.0181.20 և O.AB.100.12CIB.PIED.1.0182.20 բանկային երաշխիքներ՝ ԵԲ-ԲՄԾՁԲ-20/12 ծածկագրով մրցույթին մասնակցելու համար, իսկ 18.02.2020թ. թիվ O.AB.100.12CIB.PIED.1.0184.20 բանկային երաշխիքը՝ ԵԲ-ԲՄԾՁԲ-20/13 ծածկագրով մրցույթին մասնակցելու համար:

3. «Ամերիաբանկ» ՓԲԸ-ն 11.05.2020թ. Երևանի քաղաքապետին ուղղված գրությամբ հայտնել է, որ բանկը պարզել է, որ Երևանի քաղաքապետարան են ներկայացվել «Ամերիաբանկ» ՓԲԸ-ի պաշտոնական ձևաթղթին նմանեցված ևս երեք երաշխիքներ, որոնք իրականում երբևէ չեն թողարկվել և երբևէ չեն տրվել «Ամերիաբանկ» ՓԲԸ-ի կողմից և ամենայն հավանականությամբ դրանք կեղծվել են անհայտ երրորդ անձի կամ անձանց կողմից, ինչի վերաբերյալ բանկի համապատասխան աշխատակիցները դիմել են իրավապահ մարմիններին: Նշված երաշխիքներն են՝ 18.02.2020թ. թիվ O.AB.100.12CIB.PIED.1.0181.20 և O.AB.100.12CIB.PIED.1.0182.20 բանկային երաշխիքները և 18.02.2020թ. թիվ O.AB.100.12CIB.PIED.1.0184.20 բանկային երաշխիքը՝ ԵԲ-ԲՄԾՁԲ-20/13 ծածկագրով մրցույթին մասնակցելու համար:

4. Երևանի քաղաքապետարանը Ընկերությանն ուղղված 14.05.2020թ. թիվ 01/61-7799 ծանուցմամբ հայտնել է, որ Երևանի քաղաքապետարանի և «Էտալոն Գրուպ» ՓԲԸ-ի միջև 20.02.2020 թվականին կնքված N ԵԲ-ԲՄԾՁԲ-20/12 և N ԵԲ-ԲՄԾՁԲ-20/13 ծածկագրերով պայմանագրերի շրջանակներում ներկայացվել են որակավորման, նաև պայմանագրի ապահովման բանկային երաշխիքներ: Երևանի քաղաքապետարանի կողմից կատարվել է բանկային երաշխիքների իսկության ճշտում, որի արդյունքում պարզվել է, որ ներկայացված բանկային երաշխիքները չեն թողարկվել համապատասխան բանկի կողմից և հանդիսանում են կեղծ փաստաթղթեր:

Ամփոփելով՝ Պատվիրատուն հայտնել է, որ Կատարողը մինչև պայմանագրի կնքումը ներկայացրել է կեղծ փաստաթղթեր և վերջինիս ընտրված մասնակից ճանաչելու մասին որոշումը չի համապատասխանել ՀՀ օրենսդրությանը, ուստի Երևանի քաղաքապետարանի կողմից միակողմանիորեն լուծվել են վերոնշված պայմանագրերը՝ ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 33-րդ կետի 8-րդ ենթակետի համաձայն:

5. ՀՀ գնումների հետ կապված բողոքներ քննող անձի հիմնավորումները և եզրահանգումը.

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով ՀՀ ֆինանսների նախարարության՝ 23.05.2020թ. թիվ 26/26-1/7670-2020 գրությունը, Երևանի քաղաքապետարանի՝ 14.05.2020թ. թիվ 01/61-7797 գրությունը և կից փաստաթղթերը, հայտնում եմ հետևյալը.

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագրի կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված

բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը սույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 35-րդ հոդվածի 1-ին մասի համաձայն՝ ***պայմանագրի ապահովում ներկայացնելու պահանջի հիման վրա այն ստանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում:*** Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի ապահովում:

«Կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (հետայսու նաև՝ Կարգ) 32-րդ կետի 1-ին ենթակետի գ) պարբերությամբ սահմանվում է, որ հրավերով նախատեսվում է նաև, որ ***մասնակիցը հայտով ներկայացնում է՝ իր կողմից հաստատված հավաստում՝ ընտրված մասնակից ճանաչվելու դեպքում, օրենքի 35-րդ հոդվածով սահմանված ժամկետում, ներկայացրած գնային առաջարկի չափով որակավորման ապահովում ներկայացնելու պարտավորության մասին:***

Նույն պարբերության համաձայն՝ եթե գնման հայտով տվյալ ընթացակարգի շրջանակում գնվելիք ապրանքի, աշխատանքի կամ ծառայության գինը՝ գերազանցում է գնումների բազային միավորի տասնապատիկը կամ գնման առարկա է հանդիսանում շինարարական ծրագրերի կատարման տեխնիկական հսկողության ծառայությունը, ապահովումը ներկայացվում է բանկային երաշխիքի ձևով: Ընդ որում ապահովման գործողության ժամկետը չպետք է պակաս լինի կնքվելիք պայմանագրով ապրանքների մատակարարման, աշխատանքների կատարման կամ ծառայությունների մատուցման վերջնաժամկետից, ներառյալ՝ պայմանագրի կատարման արդյունքի ընդունման համար սահմանված ժամկետը, և ներկայացվում է օրենքի 35-րդ կետով սահմանված կարգով:

Նույն կետի 19-րդ ենթակետի համաձայն՝ եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ***ընտրված մասնակիցը չի ներկայացնում որակավորման***

ապահովումը, ապա այդ հանգամանքը համարվում է որպես գնման գործընթացի շրջանակում սրանձնված պարտավորության խախտում.

Այսպիսով՝ Երևանի քաղաքապետարանի և «Էտալոն Գրուպ» ՓԲԸ-ի միջև 20.02.2020 թվականին կնքվել են N ԵԲ-ԲՄԾՁԲ-20/12 և N ԵԲ-ԲՄԾՁԲ-20/13 ծածկագրերով ծառայությունների գնման պայմանագրեր:

«Էտալոն Գրուպ» ՓԲԸ-ի կողմից ներկայացվել են 18.02.2020թ. թիվ O.AB.100.12CIB.PIED.1.0181.20 և O.AB.100.12CIB.PIED.1.0182.20 բանկային երաշխիքներ՝ ԵԲ-ԲՄԾՁԲ-20/12 ծածկագրով մրցույթին մասնակցելու համար, իսկ 18.02.2020թ. թիվ O.AB.100.12CIB.PIED.1.0184.20 բանկային երաշխիքը՝ ԵԲ-ԲՄԾՁԲ-20/13 ծածկագրով մրցույթին մասնակցելու համար:

«Ամերիաբանկ» ՓԲԸ-ն 11.05.2020թ. Երևանի քաղաքապետին ուղղված գրությամբ հայտնել է, որ բանկը պարզել է, որ Երևանի քաղաքապետարան են ներկայացվել «Ամերիաբանկ» ՓԲԸ-ի պաշտոնական ձևաթղթին նմանեցված ևս երեք երաշխիքներ, որոնք իրականում երբևէ չեն թողարկվել և երբևէ չեն տրվել «Ամերիաբանկ» ՓԲԸ-ի կողմից և ամենայն հավանականությամբ դրանք կեղծվել են անհայտ երրորդ անձի կամ անձանց կողմից ինչի վերաբերյալ բանկի համապատասխան աշխատակիցները դիմել են իրավապահ մարմիններին: Նշված երաշխիքներն են՝ 18.02.2020թ. թիվ O.AB.100.12CIB.PIED.1.0181.20 և O.AB.100.12CIB.PIED.1.0182.20 բանկային երաշխիքներ՝ ԵԲ-ԲՄԾՁԲ-20/12 ծածկագրով մրցույթին մասնակցելու համար, ինչպես նաև 18.02.2020թ. թիվ O.AB.100.12CIB.PIED.1.0184.20 բանկային երաշխիքը՝ ԵԲ-ԲՄԾՁԲ-20/13 ծածկագրով մրցույթին մասնակցելու համար:

Երևանի քաղաքապետարանը Ընկերությանն ուղղված 14.05.2020թ. թիվ 01/61-7799 ծանուցմաբ հայտնել է, որ Երևանի քաղաքապետարանի և «Էտալոն Գրուպ» ՓԲԸ-ի միջև 20.02.2020 թվականին կնքված N ԵԲ-ԲՄԾՁԲ-20/12 և N ԵԲ-ԲՄԾՁԲ-20/13 ծածկագրերով պայմանագրերի շրջանակներում ներկայացվել են որակավորման, նաև պայմանագրի ապահովման բանկային երաշխիքներ: Երևանի քաղաքապետարանի կողմից կատարվել է բանկային երաշխիքների իսկության ճշտում, որի արդյունքում պարզվել է, որ ներկայացված բանկային երաշխիքները չեն թողարկվել համապատասխան բանկի կողմից և հանդիսանում են կեղծ փաստաթղթեր:

Ամփոփելով՝ Պատվիրատուն հայտնել է, որ Կատարողը մինչև պայմանագրի կնքումը ներկայացրել է կեղծ փաստաթղթեր, և վերջինիս ընտրված մասնակից ճանաչելու մասին

որոշումը չի համապատասխանել ՀՀ օրենսդրությանը, ուստի Երևանի քաղաքապետարանի կողմից միակողմանիորեն լուծվել են վերոնշված պայմանագրերը՝ ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 33-րդ կետի 8-րդ ենթակետի համաձայն:

Այսպիսով՝ Կարգի 33-րդ կետի 8-րդ ենթակետը սահմանում է, որ **այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և փվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո պատվիրատուն միակողմանիորեն լուծում է պայմանագիրը**, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, պատվիրատուն չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով պատվիրատուի կրած վնասներն այն ծավալով, որի մասով պայմանագիրը լուծվել է: Սույն կետով նախատեսված հիմքերն ի հայտ գալու դեպքում հսկողություն և (կամ) վերահսկողություն իրականացնող մարմինները, իսկ մյուս դեպքերում պատվիրատուն այդ մասին ծանուցում են իրավապահ մարմիններին՝ վերջիններիս և պայմանագրի կնքած մասնակցին ներկայացնելով հիմքերը:

Ամփոփելով վերը նշված փաստերը և դրանք համադրելով գործում առկա փաստաթղթերի հետ՝ գտնում են, որ Պատվիրատուն, հիմք ընդունելով «Ամերիաբանկ» ՓԲԸ-ի պաշտոնական գրությունը՝ ուղղված Երևանի քաղաքապետին՝ Ընկերության կողմից ներկայացված բանկային երաշխիքների կեղծ լինելու վերաբերյալ, և ղեկավարվելով Կարգի 33-րդ կետի 8-րդ ենթակետով, լուծելով Երևանի քաղաքապետարանի և «Էտալոն Գրուպ» ՓԲԸ-ի միջև 20.02.2020 թվականին կնքված N ԵԲ-ԲՄԾՁԲ-20/12 և N ԵԲ-ԲՄԾՁԲ-20/13 ծածկագրերով պայմանագրերը՝ գործել է իրավաչափ:

Այսպիսով՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետի համաձայն՝ մասնակիցը ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը:

Կարգի 32-րդ կետի 19-րդ ենթակետի համաձայն՝ եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:

Հաշվի առնելով վերոգրյալը՝ գտնում եմ, որ «Էտալոն Գրուպ» ՓԲԸ-ն, ներկայացնելով համապատասխան բանկի կողմից չթողարկված բանկային երաշխիքներ, թույլ է տվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված գնման գործընթացի շրջանակում ստանձնած պարտավորության խախտում, որը հանգեցրել է Պատվիրատուի կողմից Կարգի 33-րդ կետի 8-րդ ենթակետի համաձայն՝ ԵԲ-ԲՄԾՁԲ-20/12 և N ԵԲ-ԲՄԾՁԲ-20/13 ծածկագրերով պայմանագրերի միակողմանի լուծմանը, ուստի առկա են Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը:

Օրենքի 6-րդ հոդվածի 2-րդ մասի համաձայն՝ անձը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է երկու տարի ժամկետով:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

Ո Ր Ո Շ Ե Ց Ի

Հայաստանի Հանրապետության ֆինանսների նախարարության՝ 21.05.2020թ. թիվ 26/26-1/7508-2020 գրությամբ «Էտալոն Գրուպ» ՓԲԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով

նախաձեռնված ընթացակարգը բավարարել և «Էտալոն Գրուպ» ՓԲԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների հետ կապված բողոքներ քննող անձի որոշումն ուժի մեջ մտնելու օրվանից հաշված երկու տարի ժամկետով:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված
բողոքներ քննող անձ՝**

A handwritten signature in blue ink is written over a circular official stamp. The stamp contains text in Armenian, including "ՀՀ ԳՆՈՒՄՆԵՐԻ ԿԵՆՏՐՈՆԱԿ" (Central Office of the Republic of Armenia) and "ԳՆՈՒՄՆԵՐԻ ԿԵՆՏՐՈՆԱԿ" (Central Office of the Republic of Armenia).

ԳՐԻԳՈՐ ՆԵՐՍԻՍՅԱՆ